

FIF – YiB CA- Sanoat Qurilish Banki Kredit II

Mamlakat: O‘ZBEKISTON

Loyiha raqami: 57309

Faoliyat sohasi: Depozitariy krediti (banklar)

Xabarnoma turi: Xususiy sektor

Ekologik toifasi: Moliyaviy muassasa (FI)

Tasdiqlanish sanasi: 2026-yil, 28-may

Loyiha bosqichi: Tasdiqlanish arafasida

Loyihaning qisqacha mazmuni

(LQM) Ingliz tilida chop etilgan

sana: 2026-yil, 7-aprel

Axborotdan foydalanish huquqi ko‘rsatmasining 1.4.2 (iii) bandiga muvofiq: “Direktorlar kengashi tasdiqlash vakolatini Bank rahbariyatiga topshirgan va Bank rahbariyati tomonidan tasdiqlangan loyihalar bo‘yicha, LQM Bankni tashkil etish Bitimining 13-moddasi (iii) bandiga muvofiq, Bank a‘zo davlati uchun tegishli e‘tiroz bildirmaslik to‘g‘risidagi xabarnoma davri boshida e‘lon qilinadi.

Loyiha mazmuni

Sanoat qurilish banki (SQB) ga mahalliy valyutada ekvivalentida yoki AQSh dollarida 50 million AQSh dollarigacha bo‘lgan ta‘minotsiz katta kredit taqdim etilishi ko‘zda tutilgan. Kredit ikki teng qismda, har biri 25 million AQSh dollarigacha bo‘lgan transhda beriladi, ikkinchi transh berilishi majburiy emas (uncommitted). Kredit Markaziy Osiyo uchun “Biznesda yoshlar” moliyalashtirish dasturi (YiBP CA, Dastur) doirasida aralash moliyalashtirish manbalaridan foydalangan holda Moliyaviy vositachilar uchun dastur ("FIF") orqali taqdim etiladi.

Loyiha maqsadi

Kredit (i) 2025 yilda mijozga taqdim etilgan YiB I kreditining muvaffaqiyatli sur‘atlarini davom ettirish, yoshlar segmentini yanada qo‘llab-quvvatlash hamda SQBning mahsulotlar taklifini kengaytirishga qaratilgan. Taklif etilayotgan mahsulot moliyalashtirishni yosh tadbirkorlarga mo‘ljallangan nomoliyaviy xizmatlar (NFS) bilan uyg‘unlashtirib, ularning moliyalashtirishdan foydalanishga kirishini va iqtisodiyotdagi ko‘nikmalarini yaxshilashga xizmat qiladi; hamda (ii) SQBning moliyalashtirish manbalari bazasini diversifikatsiya qilishni ko‘zlaydi.

O‘tish davri ta‘siri ko‘rsatkichi

ETI 71

Loyiha Dastur umumiy maqsadlarining amalga oshishiga hissa qo‘shadi hamda uning **Inklyuziv (Asosiy)** va **Raqobatbardosh (Ikkinchi darajali)** sifatlarini qo‘llab-quvvatlaydi. Mazkur moliyaviy vosita yosh tadbirkorlarni kreditlash hajmining oshishiga, SQBning institutsional salohiyatini rivojlantirishga xizmat qilishi hamda yosh biznes egalari va menejerlarida ko‘nikmalarining shakllanishini rag‘batlantirishi kutilmoqda.

Mijoz haqida

SQB AKSIYADORLIK TIJORAT BANKI

Sanoat Qurilish Bank AJ (SQB) O‘zbekistondagi uchinchi yirik bank bo‘lib, 2025 yil oxiri holatiga ko‘ra uning jami aktivlari 7.9 mlrd AQSh dollarini, kreditlari 5.0 mlrd AQSh dollarini va kapitali 0.9 mlrd AQSh dollarini tashkil etdi. Bank mamlakat bo‘ylab 105 ta filial orqali faoliyat yuritadi, 3,965 nafar xodimi bilan 3.2 million nafar mijozga xizmat ko‘rsatadi. SQB Fitch Ratings tomonidan 2026 yil 13 mart holatiga ko‘ra Barqaror istiqbolli BB reytingiga ega.

YTTBdan ajratiluvchi moliyaviy mablag'

50,000,000.00 AQSH dollari

Loyihaning umumiy qiymati

50,000,000.00 AQSH dollari

Qo'shimchalilik korsatkichlari**Moliyalashtirish tuzilmasi:**

(i) Yevropa Tiklanish va Taraqqiyot Banki (YTTB) bozorda mavjud bo'lmagan shartlarda mahalliy valyutada moliyalashtirishni taklif etadi.

(ii) YTTB mijozga bozorda mavjud bo'lganidan uzoqroq muddatli kredit shartlarini taklif qiladi, bu esa asosli va maqbul shartlar asosida amalga oshiriladi.

Innovatsion moliyalashtirish tuzilmalari va/yoki vositalari:

Loyiha Markaziy Osiyo bozorida moslashtirilgan va innovatsion vosita bo'lgan "Natijaga asoslangan kompensatsiya" (RBC) dan manfaatdor bo'ladi. RBC SQBning o'z mijozlariga qo'yadigan ta'minot talablarini yumshatilishi yoki moslashuvchan qilinishi imkonini beradi.

Standartlarni o'rnatish:

Moliyalashtirish hamda RBC va texnik ko'mak (TC) elementlarining kombinatsiyasi orqali Dastur SQBga kam ta'minlangan yosh tadbirkorlar segmentining ehtiyojlarini chuqurroq tushunishi va hisobga olish orqali inklyuziv moliyalashtirish standartlarini oshirishiga yordam beradi. Keng qamrovli texnik ko'mak paketi SQBga mahsulotlari va xizmat ko'rsatish mexanizmlarini yosh tadbirkorlarning ehtiyojlariga moslashtirishida yordam beradi, bu esa ushbu segment salohiyatidan to'liq foydalanish va ularning moliyaviy inklyuzivligini tezlashtirish imkonini beradi.

Bilim, innovatsiya va salohiyatni oshirish:

SQB Dasturning keng qamrovli salohiyatni oshirish faoliyatdan foyda ko'radi. Bunga ishtirokchi moliyaviy muassasalarga va yoshlarga tegishli mikro, kichik va o'rta bizneslarga Biznesga ko'mak dasturi orqali trening va maslahat ko'magi kiradi. Natijada barcha ishtirokchilarga mahalliy bozorda mavjud bo'lmagan bilim va tajribaga ega bo'lish imkoniyati yaratiladi. Raqamli xizmat ko'rsatish yo'nalishiga kuchli urg'u berilishi natijasida poytaxtdan tashqaridagi hududlarda xizmatlardan foydalanish imkoniyati kengayadi va yangi moliyaviy mahsulotlarning yosh tadbirkorlar hamda mikrokompaniyalar uchun jozibadorligi oshadi.

Ekologik-ijtimoiy xulosa

Mijoz moliyaviy muassasa toifasiga kiritilgan (ESP 2024). SQB YTTBning amaldagi mijozlaridan biri bo'lib, hozirgi majburiyatlari doirasida YTTBning ekologik va ijtimoiy talablari bilan muvofiqlikda ishlamoqda. Dasturga muvofiq subloyihalar yoshlar tomonidan boshqariladigan mikro, kichik va o'rta bizneslarga (MKO'B) beriladigan kreditlardan iborat bo'lib, ular ekologik va ijtimoiy nuqtayi nazardan past yoki o'rta darajadagi xavfga ega bo'lishi kutilmoqda. SQBda MKO'B uchun beriladigan kreditlar bilan bog'liq xavflarni boshqarishga mos ekologik va ijtimoiy boshqaruv tizimi mavjud.

Mijoz YTTBning Ekologik va Ijtimoiy Siyosati (ESP), shu jumladan, 2-, 4- va 9-sonli Ekologik va Ijtimoiy Talablar (ESR) hamda moliyalashtirish bo'yicha istisnolar ro'yxatiga doimiy ravishda amal qilishi lozim. Shuningdek, u MKO'Blarga kredit berishda ekologik va ijtimoiy xavflarni boshqarish bo'yicha ko'rsatmalarga amal qilishi va YTTBga har yili ekologik va ijtimoiy hisobotlarni taqdim etib borishi shart.

SQBdan qarz oluvchi mijozlar esa milliy ekologik, sog'liqni saqlash, xavfsizlik va mehnat qonunchiligi talablariga rioya etishlari lozim.

Parij kelishuvi bilan uyg'unlikni baholash

Loyiha bilvosita moliyalashtiriladigan investitsiyalar uchun YTTBning Parij kelishuvi bilan uyg'unlikni baholash yondashuvi qo'llanilishi asosida Parij kelishuviga uyg'un deb topildi. Ushbu uyg'unlik haqidagi xulosa 1-ustun (qarz oluvchi tomonning Parij kelishuviga sodiqligi) va 2-ustun (sub-tranzaksiyalarni filtrlash) qo'llanilishiga asoslanadi.

Texnik ko'mak va Grant moliyasi

Qo'shma investitsiya grantlari / imtiyozli moliyalashtirish ("Non-TC"): Loyiha YiB krediti summasining 3 foizigacha bo'lgan miqdorda (1.5 mln AQSh dollarigacha) natijalarga asoslangan kompensatsiyani (Result Based Compensation, RBC) nazarda tutadi. RBC SQBga YiB kreditlashini barqaror kengaytirish uchun zarur infratuzilmani yaratish bilan bog'liq dastlabki investitsiyalarni rag'batlantirish va qisman qoplash maqsadida beriladi. Moliyalashtirish manbai: YTTB aksiyadorlarining Maxsus jamg'armasi (SSF).

Kompaniyaga bog'lanish ma'lumotlari

Abdurashid Khakimov, Moliyaviy muassasalar va investitsion aloqalar boshqarmasi boshlig'i

akhakimov@sqb.uz

+99878 1204500 qo'shimcha raqam 7600

<https://sqb.uz>

Shahrisabz ko'chasi 3-uy, Toshkent, 100000, O'zbekiston

LQM oxirgi marta tahrir etilgan sana

2026-yil, 7-aprel

O'tish davri tushunchasi haqida

YTTBning mamlakatdagi o'tish jarayoniga loyihaning ta'sirini baholash yondashuvi bo'yicha qo'shimcha ma'lumotni mana [shu yerdan](#) topishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

tel: +44 20 7338 7168

electron pochta: projectenquiries@ebrd.com

Davlat sektoridagi loyihalar bo'yicha: EBRD Procurement veb sahifasida

Tel. : +44 20 7338 6794,

Electron pochta: procurement@ebrd.com

Umumiy ma'lumotlar

Xos savollaringizni YTTBning ma'lumot so'rovi [havolasi](#) orqali yuborishingiz mumkin.

YTTBning ekologik-ijtimoiy siyosati (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [ESP](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlarni [ESP](#)dan topish mumkin.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron pochta orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonim tarzidagi xabarlar tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (IAP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. Mavjud ma'lumotlar bilan tanishib chiqish uchun YTTB veb-saytidagi "[Axborotdan erkin foydalanish siyosati](#)" bo'limiga kiring.

Xos savollaringizni YTTBning ma'lumot so'rovi [havolasi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (PCM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik mexanizmi ya'ni PCM yordamida o'zlarining o'sha xavotirlarini bildirishlari mumkin. PCM, arizachilarning

fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi.

Ushbu mexanizmning vazifalari quyidagilardan iborat: ekologik-ijtimoiy va axborotni oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; Bank tomonidan ishlab chiqilgan [Ekologik-ijtimoiy siyosati](#) talablariga, shuningdek loyihaga oid tegishli [Axborotdan erkin foydalanish](#) siyosati qoidalariga rioya qilinishini baholash; zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralarini ko'zda tutish.

Marhamat, [Loyihalar hisobdorligi mustaqil mexanizmi \(IPAM\)](#) haqida ko'proq ma'lumot olish, uning vakolati va [arizani qanday topshirish](#) haqida bilish uchun IPAM veb-sahifasiga tashrif buyuring.

Shuningdek, IPAM bilan quyidagi elektron pochta orqali bog'lanib, ariza topshirish bo'yicha yo'l-yo'riq va qo'shimcha ma'lumotlar olishingiz mumkin: ipam@ebrd.com